

Mc DINAH

« Mozikan'ny fo no voiziko », hoy izy

Ny « Mozikan'ny fo », izay takarina avy amin'ireo trangampiaraha-monina tetsy sy teroa, no arafitr'i Mc Dinah hanjary kanto ankira. Ny « Mc » izay adika tsotra amin'ny hoe : « Ny foko » (Mon cœur). Mampiavaka an'i Mc Dinah ny fampiasana mandrakariva ny gitara fentona handravahana ny feo somary mikasoka nefa kanto ananany. Efa nilona an-taonany maro tehy anivon'ny antoko mpihira i Mc Dinah ary miangaly ny « Capoeira », izay dihy sy fanatanjahatena avy any Brezila. Manan-talenta amin'ny famoronana tononkira koa izy ary maha-



Mc Dinah, tsy misaraka amin'ny gitara.

fehny ny tenim-pirenena Italiana, Espaniôla ary ny Anglisy, ankoatry ny te-

nindreny. Ho an'i Mc Dinah ny hizarafatra mampahery ho an'ireo mila izany noho ny onjam-pianana no antony ikerakirany ny mozika. Tsy nataony an-kilabao ihany koa anefa ny fitaomana ireo manampianahy hifikitra mandrakariva amin'ilay Andriamanitra nahary. Ny gadona reggae, rap ary ny jazz no akora fototra ampiasain'i Mc Dinah, handrafetana ny mozika lalaoviny. Tsikaritra anatin'ny tononkiran'ity mpianakanto andriambavilani-itra ity ny fampiasana ny « Tenin-jatovo », sy ny tenim-paritra. Mozika natao ho henoina hisinto-

nana sy hanovozan-kery hiatrehana ny fiainana ary sokajiana anatin'ny « vazo miteny », saingy nandray amin'ny endriny hafa kely ny kanto voizin'i Mc Dinah. Ny « I have a dream » sy ny « masôva ». Ireo no ampahany amin'ireo sanganasany efa maro mpankafy. Amperiny ho amin'ny fiketrehana ny kapila mangirana laharana voalohany, hivoaka amin'ny taona 2022 ankehitriny, i Mc Dinah, izay misokatra malalaka amin'ny fiaraha-miasa ho an'izay vonona hanabe voho ny mozika malagasy.

Lalaso R.


Mpanakanto Dragin d'Ihoso

Manandraatra ny mozika nentin-drazana

Dragin Roger no anarana feonon'ity mpanakanto Zanak'Ihoso, mivoy sy manandraatra ny mozika nentim-paharazana mampiavaka ny Barabe, izay monina any amin'ny faritra Ihorombe ity. Anarana sy endrika tsy vaovao loatra intsony ho an'ireo mpankafy ny mozika i Dragin d'Ihoso, noho ity farany efa niatrika ny lalao famaranana, natao hitiliana ireo haren'ny mozika nentim-paharazana malagasy, ny taona 2017, teo anivon'ny fahitalavitra tsy miankina iray, teto larivo.

kanto maro ireo. Ankoatry ny fomba fandrin-drany ireo haavon'ny feon'ireo jihin-gitara (Cordes) hanjary hanome feon'angorodao (arylila), valiha marovany ary kabôsy. Variana sy mitolagaga, araka izany, ireo maheno ny feongitara lalaovin'i Dragin d'Ihoso raha mandre ireo feon-javamaneno maro ireo indray miaraka, atosaky ny gitara iray eny antanany.

Hasoangadin'i Dragin d'Ihoso amin'ireo kanto jariana ny mozika nentim-paharazana mampiavaka ny faritra Ihorombe. Anisan'ireny ny sery tongotra, karitaky, kibato mangala hoso, tipaky be rambolo, belamaky, tsitsiky ary ny rombo bilo. Heno eny antsefatsefan'ireo sanga-



Dragin d'Ihoso, manandraatra ny kanto nentim-paharazana.

nasan'i Dragin d'Ihoso ihany koa anefa ny « antsa » nentim-paharazana. Tsy ny gadona sy ny fandrin-drana ihany no maneho ny maha kanto ny mozika nentim-paharazana avy any Ihorombe, izay avoi-

tran'i Dragin d'Ihoso, fa eo ihany koa ny fampiasana ny zavamaneno avy any atsimo toy ny katrà (korintsana), ny aponga lahy sy vavy (Karitaky) ary ny gitara tsotra. Ampahany amin'ireo vazon'i Dragin d'Ihoso efa nahazo faka amin'ny fanakafizan'ny maro ankehitriny ny « Vient du sud », sy ny « Jangobo tany misy ». Hetahetan'ity mpianakanto milofo ny hamelo-maso ny mozika nentim-paharazana ity, ny mba hanohanany avy eo anivon'ny Minisiteran'ny serasera sy ny kolontsaina azy eo ampanatanterahana ny adidy masina, izay ataony ankehitriny. Ho tanteraka tokoa anie izany.

Lalaso R.

Misaona ny tontolon'ny Kanto malagasy

Nodimandry teo amin'ny faha 85 taonany i Gaston Andrianony

Nodimandry teo amin'ny faha 85 taonany i Gaston Andrianony, mpamorona, mpitendry zavamaneno, mpihira ary mpamentana fandaharana ihany koa, toy izao no azo amintinana ny mikasika an'i Gaston Andrianony.



Gaston Andrianony fahavelony.

ny : Tsimialonjafy (hira fiarahabana io), Lavi-tiana, Minia aho hanadino, Hiran'ny mpiandry fody, Firaisankina,... ankoatran'ny hira madinika dia maro ireo hira fitoriana noforonin'i Gaston Andrianony. Ny nampiavaka ny Tarika Gas-

ton Andrianony dia ireo fianakaviany, no nofaniny ho mpihira sy mpitendry zavamaneno, sady nampihirainy ireo sangangan'asany, nisantatra izany i Ony anabaviny, izay mpihira malaza tao aminy sady nihira ny sangangan'asan'i Rolland Raelison toy ny Neny Masoandro lalaina, sns... taty aoriana dia ireo zanaka'anabaviny toa an'i Néné sy Noe ary Fanja no nikalo ny hirany. Malalaka sy mivelatra ny fomba fijerin'i Gaston Andrianony ny mozika, tsy nahagaga raha nisafidy nihira ny gadonkira Rock i Nini zanany, izay mpihira ao amin'ny tarika Kiaka, kanefa marihina ihany koa fa mahafehy ny hiran-drainy tanteraka i Nini, sady havanana amin'ny fikaloana ireo hiran'ny omaly, ka tsy nahagaga raha nofidian'i Salomon manokana i Nini nandray anjara tamin'ny fankalazana ny fahenimpolo taona niakaran'i Salomon antsehatra. Fa ankoatran'ny famoronankira

sy ny fitendrenena zavamaneno dia nahavitabe tokoa i Gaston Andrianony teo amin'ny fampianahantarana ireo hira tranainy teto amintsika, satria tamin'ny fotoan'andro izy sy Jean Rossina dia niaraka nanantontosa ny fandaharana « Tsiain'ny andro finaritra » tao amin'ny Radiompiarenena. Tamin'ny taona 2018 dia niarainakatra antsehatra tamin'ireo mpanankanto feno valopolo taona toa an'i Henri Ratsimbazafy, Biry (Railovy), Jean Rossina, Abel Ratsimba sns... i Gaston Andrianony. Ny alin'ny Alahady 29 Aogositra 2021 hifoha ny Alatsinainy 30 Aogositra 2021, no nodimandry i Gaston Andrianony, ary any amin'ny fasampianakaviana any Ambatolampy no halevina ny nofo mangatsiakany. Ny gazety Ny Valosoa Vaovao dia mirary fiononana feno ho an'ny fianakavian'i Gaston Andrianony.

Ny Valosoa

Sakafo Ny Valosoa



Trondro maina sy kabaro sy anamalaho indray no laoka amin'ny Sakafo eto amin'ny gazetinao androany. Tsara raha hasiana angivy koa izany. Dia mazotoa homana tompoko.

NY VALOSOA sy Mahaso
Fanafody natoraly mampisy fitadidiana

Fanafody natoraly mampisy fitadidiana indray no Mahaso eto amin'ny gazetinao androany. Betsaka ny Ankizy mora manadino zavatra ankehitriny, noho ny tsy fisian'ny fitadidiana ao aminy, nefa ny mahazatra antsika dia ny olona efa mahazo taona no tokony ho mora manadino zavatra.

Zavatra ilaina: clous de girofle na jirofo 30, ronono velona iray litatra. Fomba fikarakarana azy : totoina ho lasa vovoka ilay Clous de Girofle teo. Rehefa vita izay dia araraka ao anaty ronono velona 1 litatra ary ampangotrana mandritra ny 5 minitra, ka tatavanina izay vao azo ampiasaina. Fomba fampiasana azy: sotroina indray vera isaky ny maraina be ary mandritra ny 10 andro ny faharetan'ny anarana izany. Mazava ho azy fa rehefa lany dia manao vaovao hatrany, ary azo hafanaina na hatao anaty frigo ireo ambiny akora natoraly ity, mba tsy ho simba.



NY VALOSOA sy Mahaliana
Ny tanànan'Andriamena any amin'ny distrikan'i Tsaratanana faritra Betsiboka

Ny tanànan'Andriamena any amin'ny distrikan'i Tsaratanana faritra Betsiboka indray, no Mahaliana eto amin'ny gazetinao androany. Renivohitry ny kaominina Andriamena ity tanàna ity, iray amin'ireo kaominina miisa 12 mandrafitra ny distrikan'i Tsaratanana. Azo lazaina ho avo toerana izy, satria 771 m ny haavony miohatra amin'ny ranomasina. Any amin'ny faritra atsimo atsinanan'ny faritra Betsiboka no misy azy. Vokatry any an-toerana ny vary sy ny haninkotrana isan-karazany toy ny katsaka, ny mangahazo,... Mampalaza an'Andriamena ny harena ankibon'ny tany: Chrome, eo koa ny volamena. Mpiompy omby ihany koa ny any amin'izany toerana izany.

